

ಯೂದನು ಬರೆದ ಪತ್ರಿಕೆ ಯೂದನೆ ಲೀಖ್ಯೋತೆ ಚಿಟ್ಟಿ ಮಾಲುಮ್ ಕರಾನು

ಯೂದನೆ ಲೀಖ್ಯೋತೆ ಚಿಟ್ಟಿನ ಯೂದ ಕರಿ ಬೋಲೈಲ್ಯಾವಾಳೊ ಏಕ್ ಜುಣಾನೆ ಲೀಖಿರಾಖ್ಯೊಸ್. ಯೂದ ಇನು ಯೋಸ್ ಯೇಸುನೊ ಬೈ ಕರಿ ಅಜು ಯಾಕೋಬನೊ ಬೈ ಕರಿ ಇನುಯೋಸ್ ಬೋಲಿಲೆಸ್, ಇನಖ್ವಾಜೆ ಯೋಬಿ ಯೇಸುನೊ ಬೈ ಕರಿ ವಿಶ್ವಾಸ್ ಛಾ. ಯೂದ 1 ಆ ಚಿಟ್ಟಿ ಬರೊಬರ್‌ಥಿ ಅತ್ರಮಾಸ್ ಲಿಖೈರ್ದ್ವಾಸ್ ಕರಿ ಮಾಲುಮ್ ಪಡಾಕೊಯ್ಚಿ ಅಜು ಜೂನಿ ಒಪ್ಪಂದಾನು ಥೋಡುಭೋತ್ ಘಟ್ಟಿನ ಆ ಚಿಟ್ಟೇಮ ಲೀಖೈರುತೆ ದೇಖ್ತೊ ಆ ಚಿಟ್ಟಿನ ಪಹಿಲೆ ಫಡಿಹುಯ್ಚು ಯಹೂದ್ಯಾಕರಿ ಬೋಲೆಜಾಯ್ ಕತೋಬಿ ಯೂದನೆ ಆ ಚಿಟ್ಟಿನ ಬೋಲೈರ್ದ್ವಾಳ ಅಖ್ವಾನ ಬಾ ಹುಯಿರೋತೆ ಪ್ಯಾರ್‌ನ ದೇವ್ನ ಅದ್ವಿವೋನ ಅಜು ಯೇಸು ಕ್ರಿಸ್ತನಖ್ವಾಜೆ ಮೈಲೈರಾತೆ ಇವ್ಣುನ ಕರಿ ಲೀಖಿರಾಖ್ಯೊಸ್. ಯೂದ 1 ಆ ಚಿಟ್ಟಿ ಘಣೇಥಿ ಕ್ರಿಸ್ತ ಪೈದಹುಯೊತೆ ಇನಪಾರ್ ತೀನಿಖ್ತ್ ವರಖ್ತ್‌ಮ ಲಿಖೈರ್ದ್ವಾಸ್. ಆ ಚಿಟ್ಟಿನ ಲಿಖಾನ ಇನಿ ಉದ್ದೇಶ್‌ಕತೊ, ಝೂಟಿ ಬೋಲವಾಳೇಥಿ ಗಲತ್ ಮಾರಗ್‌ಪರ್ ನಾಜಾವ್ಣು ಕರಿ ಬೋಲಾನಿ ಬಾರೇಮ ಆಖ್ವಾ ವಿಶ್ವಾಸಿ ಅದ್ವಿವೋನ ಹೊಷಾರಿ ಕರಾನು ಹುಯಿರುಥು. ಯೂದ 4 ಇನೆ ಇನಿ ವಾತ್ಸ ಹಿಮ್ತಾ ದ್ಯಾವಾನಖ್ವಾಜೆ ಜೂನಿ ಒಪ್ಪಂದಾನು ಘಟ್ಟಿನ ಬೋಲಿರಾಖ್ಯೊಸ್. ಆ ಚಿಟ್ಟಿ ಬೇನು ಪೇತ್ರ ಚಿಟ್ಟೇಮ ಛಾತೆ ಝೂಟಿ ಬೋಧಕರ್ದಿ ವಿರೋದ್ ಹೊಷಾರಿ ದೇವ್ನ ದೂತರ್‌ಖ್ವಾರು ಅಜು ಸೊದೋಮ್ ಗೋಮೊರ್ ಖ್ವಯೇರ್ದಿ ಬಾರೇಮಾನಿ ಕೈಏಕ್ ವಿಚಾರ್ ಆ ಚಿಟ್ಟಿಮಾಬಿ ದೇವಿಜಾಯ್ ಯೂದ 1:2-42 ಪೇತ್ರ 2:1

ಕಾಡಿದೇಖೊ

ಯೂದ ಪಹಿಲೆ ಇನ ಪಥವಾಳಾನ ವತಾಳಿದೇಸ್. ಯೂದ 1:1-2

ಇನಕೇಡೆಡು ಯೊ ಝೂಟಿ ಬೋಧಕರನ್ನಿ ವಿರೋದ್
ಇವ್ವುನ ಹೊಪಾರಿ ದೈವಾನಿಘೋಣಿ ಲಿಖ್ಯೋತೆ ಕಾರಣನ
ಬೋಲಿರಾಖ್ಯೊಸ್. ಯೂದ 1:3-4

ಇನಕೇಡೆಡು ಜೂನಿ ಒಪ್ಪಂದಾನು ಥೂತೆ ಅದ್ಮಿಖ್ಯಾರು ಅಜ್ಜು ಘಟ್ಟಿನ
ಉದಾಹರಣೆ ದೇಸ್. ಯೂದ 1:5-16
ಅಜ್ಜು ಯೊ ಆ ಯೇತಾವ್ವಿನ ಇವ್ವಿಫೇಡ್ ಶಾತ್ ಹುಯಿರ್ದೇಣು ಕರಿ
ಬೋಲಸ್. ಯೂದ 1:17-23
ಖರ್ತಿಮ ದೇವ್ವ ಬಿಂತಿ ಕರ್ತೊಹುಯಿನ್ ಇನಿ ಚಿಟ್ಟಿನ
ಖರ್ತಿಕರನ್ನಿ. ಯೂದ 1:24-25

ಪಹಿಲಿವಾತೆ

¹ ಯೇಸು ಕ್ರಿಸ್ತನೊ ಸೇವಕ್‌ಬಿ, ಯಾಕೋಬನೊ ಭೈಬಿ ಹುಯಿರೋತೆ
ಯೂದ ಬುಲೈ ರ್ವವಾಳಾನ, ಬಾ ಹುಯಿರೋತೆ ದೇವ್‌ಮ ಪ್ಯಾರ್‌ನ
ಹುಯಿರಾತೆ ಅಜ್ಜು ಯೇಸು ಕ್ರಿಸ್ತನಖ್ವಾಜೆ ಬಚಿರ್ದಾತೆ ಇವ್ವುನ ಶಾತ್
ಲೀಖುಸ್‌ಕತೊ,

² ತುಮೂನ ಗೋರ್‌ಬಿ, ಶಾಂತಿ, ಪ್ಯಾರ್ ಘಣೇಥಿ ಮಳಾದೆ.

ಖರಾಬ್ ಬೋಧಕರನ್ನಿ ಬಾರೇಮ

³ ಮಾರ ಪ್ಯಾರ್‌ವಾಳ, ಅಪ್ಪೆ ಲೀರಾಖ್ಯಾತೆ ರಕ್ಷಣೇನಿ ಬಾರೇಮ
ತುಮೂನ ಲಿಖಾನ ಪೂರ ಆಖ್ವೊಥಿ ಕೋಶಿಶ್ ಕರಾನಿ ವೇಳ್ವ ದೇವ್ವ
ಅದ್ಮಿವೋನ ಹರ್‌ಹಮೇಶ ರ್ವವಾನಿಘೋಣಿ ಎಕ್ಕ್‌ಹಲ್ಲ ದೆವೈರ್ದೇತೆ
ಭರೋಖ್ವಾನ ಬಘಾಡಿಲ್ಯವಾನಖ್ವಾಜೆ, ತುಮೆ ಕರ್ತರ್ದೇಣುಕರಿ
ಯೇತ್ಯೆನ್ ಲೀಖಾನು ಅಲ್ಫುಕರಿ ಮನ ಬೋಲಾಯು.

⁴ ಶನಕತೊ ಭಕ್ತಿಕೊಂತೆ, ಅಪ್ಪ ದೇವ್ವ ವಾರ್‌ಖ್ವಾನ ಭಾಣುಕರಿಲೀನ್
ಖ್ವರಮ್‌ಕೊಂತೆ ಕಾಮ್ನ ಕರವಾಳುಬಿ, ಅಪ್ಪೊ ಎಕ್ಕ್‌ಹ್ ಯಜಮಾನ್‌ಬಿ
ಪ್ರಭು ಯೇಸುಕ್ರಿಸ್ತನ ರ್ವಿಟ್ಕಾರವಾಳು ಥೋಡುಜಣು ಗಪ್ಪಡ್ಲಿ
ಸಬೆಮ ಮಹಿ ಪೇಶಿರ್ದಸ್. ಅವ್ವೆ ಅಗಾಡಿಥೂಸ್ ನಿಶತ್‌ನ
ನೇಮಕ್‌ಹುಯಿರ್ದಸ್ ಕರಿ ಪವಿತ್ರ ವಚನ್‌ಮ ಲೀಖ್ಪಿರುಸ್.

5 ತುಮೆ ಹರೇಕ್‌ನಾಬಿ ಪಹಿಲೇಸ್ ಮಾಲುಮ್ ಕರಿರಾಖ್ಯತೋಬಿ, ಮೆ ಆವ್‌ಶೇತೆ ವಿಚಾರ್ನ್ ಬಾರೇಮ ತುಮಾರಿ ಖ್ವಯಾಲ್ಮ ಲ್ಯಾವ್ಣುಕರಿ ಆಖ್‌ಹರುಸ್. ಯೋ ಖಿವುಕತೊ, ಪ್ರಭುನೆ ಇನ ಪ್ರಜೆಖ್ವಾರಾನ ಈಜಿಪ್ಟ್ ದೇಖ್ವಾಮಾಥು ಬಚಾಡ್ಯೊತೋಬಿ, ಇನಕೇಡೆಥು ಕೋಣ್ ನಂಬ್ಯುಕೊಯ್ಚಿ ಇವ್ಣುನ ನಾಶ್ ಕರಯ್ಚೊ.

6 ಇವ್ಣಿ ಅಧಿಕಾರ್ನ್ ಝಗೋನ ಮ್ಹೇಲಿದಿನ್, ಇನ ಶೊಂತ್ ಝಗೋನ ಮ್ಹಂದಿದಾತೆ ದೇವ್‌ದೂತರ್‌ನ ದೇವ್ ಕದೇಬಿ ರ್ಹವಾನಿ ಖ್ವಂಕಳ್‌ನ ಜಡ್‌ಕಿನ್ ಮಹಾದನ್ಮ ಉಷೇತೆ ತೀರ್ಪ್‌ನಖ್ವಾಜೆ ಇವ್ಣುನ ಅಂಧಾರಿನ ಪಾಳ್‌ಮ ಟಿವಾಡಿರಾಖ್ಯೊಸ್.

7 ಇಮ್ಮಸ್ ಸೊದೋಮ್ ಅಜು ಗೊಮೋರ್ ಖ್ವಯೇರ್‌ವಾಳಾಬಿ, ಇನ ಅಶ್‌ಪೀಶ್‌ನ ಖ್ವಯೇರ್‌ವಾಳಾಬಿ ಯೋ ದೂತರ್‌ನಿಘೊಣಿ ಚಾಲಿಲಿನ್ ಇವ್ಣುನ ಇವ್ಣೆಸ್ ಪಾಪೇಲ ಕಾಮ್ನ ದೀನಾಖಿದಿನ್, ನಾಕರಯ್ತೆ ಕಾಮ್ನ ಪಾಲನ್ ಕರಯ್ತೆ ಇನಖ್ವಾಜೆ ಇವ್ಣೆ ಕದೇಬಿ ರ್ಹವಾನ ಆಗ್‌ಮ ಖ್ವಿತಾಪ್ಪಿ ಲೇತುಹುಯಿನ್, ಖರಾಬ್ ಮಾರಗ್‌ಪರ್ ಚಾಲವಾಳಾನ್ ಖರಾಬ್‌ಚಾಲ್ಮ ಉದಾಹರಣೆಕರಿ ಮ್ಹೇಲಿರಾಖ್ಯೊಸ್.

8 ತುಮಾರಿ ಸಬೆಮ ಆವಾಳ ಅದ್ಮಿವ್‌ನಾಬಿ ಅಮ್ಮಿನ್ ಪರಕ್ ಉಶೆ. ಇವ್ಣೆ ಖ್ವೋಣ್ಯಮ ರ್ಹ್ವೇಯಿತಿತಿಮ್ ಇವ್ಣೆ ಪಾಪ್‌ಥೀಸ್ ಶರೀರ್‌ನ ಮೈಲು ಕರಿಲೇಸ್. ಅಜು ದೇವ್ನಿ ಅಧಿಕಾರ್‌ನ ಝಿಟ್ಕಾರಸ್. ಸೊರ್ಗಾಮ ರ್ಹವಳಾನಿ ವಿರೋದ್ ಖರಾಬ್ ವಾತ್ ಬೋಲಸ್.

9 ಕತೋಬಿ ಪಹಿಲೊ ದೇವ್ನೊದೂತಥೋತೆ ಮೀಕಾಯೇಲನೆ ಮೋಶೇನು ಶರೀರ್‌ನಿ ಬಾರೇಮ ಮೀಕಾಯೇಲ ಶೈತಾನ್‌ನಿ ಜೋಡ್ ವಾದ ಕರಯ್ಚೊತದೆ, ಯೋ ಶೈತಾನ್‌ನಿ ವಿರುದ್ಧ ಏಕ್‌ಬಿ ದೂಷಣೆ ಕರಾನ ಹಿಮ್ಮತ್ ಲಿದೊಕೊಂತೆ, ಪ್ರಭು ತುನ ಡರಾವದೆಕರಿ ಕರಿಬೋಲ್ಯೊ.

10 ಕತೋಬಿ ಆ ಅದ್ಮಿಖ್ವಾರು ಇವ್ಣುನ ಮಾಲುಮ್‌ಕೊಂತೆ ತಿನಿಬಾರೇಮ ದೂಷಣೆ ಕರಸ್. ಅಜು ಇವ್ಣೆ ಅಕ್ಕಲ್‌ಕೊಂತೆ ಜಾನ್ವರ್‌ನಿತರ ಮಾಲುಮ್ ಕರಿಲೇಸ್. ಅಜು ಇನೇಥಿ ಇವ್ಣು ಇವ್ಣೆಸ್ ನಾಶ್ ಕರಿಲೇಸ್.

17 ಕತೋಬಿ ಪ್ಯಾರ್‌ನ ದೋಸ್ತಿವೊ, ಅಪ್ಪೊ ಪ್ರಭು ಹುಯಿರೋತೆ ಯೇಸುಕ್ರಿಸ್ತನು ಅಪೊಸ್ತಲರ್‌ಖ್ತಾರು ಪಹಿಲೆ ಶಾತ್ ಬೋಲ್ಕುಡು ಕರಿ ಯಾದ್‌ಕರಿಲೇವೊ.

18 ಅಪೊಸ್ತಲರ್‌ ತುಮುನ, “ಖರ್ತಿನ್ ಹಗಾಮ್ ದೇವ್ ಬಾರೇಮ ತುಮೂನ ನಕ್ಕೆ ಕರವಾಳು ಅದ್ಮಿಖ್ತಾರು ರಕ್ಷಿಶೆ, ಅಜು ಭಕ್ತಿಕೊಂತೆ ಆಖ್ತೊ ಅಖ್ಬುಲೀನ್ ಚಾಲವಾಳು ಹುಯಿರಕ್ಷಿಶೆಕರಿ ಇವ್ಣೆ ತುಮೂನ ಬೋಲ್ಕುಡು.

19 ಆ ಅದ್ಮಿವ್‌ಖ್ತಾರು ಇವ್ಣು ಇವ್ಣೇಸ್ ತನಿಯ ಬಣಿಜಾವವಾಳೊಬಿ, ಮ್ಹಾಮುಲಿ ಆಖ್ತೊಮಾಬಿ, ದೇವ್‌ಆತ್ಮ ಲೀರಾಖ್ಕೊಂತೆಬಿ ಹುಯಿರಕ್ಷಿಶೆ.

20 ಕತೋಬಿ ಪ್ಯಾರ್‌ನ ದೋಸ್ತಿವೊ, ತುಮೆ ತುಮಾರು ಘಣು ಪರಿಶುದ್ ಕ್ರಿಸ್ತ ವಿಶ್ವಾಸ್ ಆಧಾರ್ ಕರ್ಣಿನ್ ಘಟ್‌ಭೀರಕ್ಷಿವೊ ಅಜು ಪವಿತ್ರಾತ್ಮಧಿ ಭರೈನ್ ಪ್ರಾರ್ಥನೆಕರೊ.

21 ದೇವ್ ಪ್ಯಾರ್‌ಮ ಭೀರಕ್ಷಿವೊ. ಹಮೇಶಾನು ಜಾನ್ನ್ ಲೀಲ್ಯಾವನಖ್ತಾಜೆ ಪ್ರಭುಹುಯಿರಕ್ಷಿವೊತೆ ಯೇಸು ಕ್ರಿಸ್ತನು ಗೋರ್‌ನಾಸ್ ಟಿವೈನ್ ದೇಖೊ.

22 ಗುಮಾನಿ ರಕ್ಷವಾಳ ಅದ್ಮಿವ್‌ನ ಗೋರ್‌ಕರೊ.

23 ಥೋಡ್‌ಫಣ ಅದ್ಮಿವ್‌ನ ಬಚ್ಚಾಡೊ ಯೋ ಅದ್ಮಿವ್‌ನ ಆಗ್‌ಧಿ ಭಾರ್‌ಲ್ಯಾವೊ, ತುಮೆ ಥೋಡ್‌ಫಣಾನ ಡರ್‌ತ ಹುಯಿನ್ ಗೋರ್‌ಕರೊ. ಪಾಪ್ ಮೈಲಾನ ಕಾಹೆತೆ ಇವ್ಣ ಲುಂಗ್‌ದ್‌ವಾನಾಬಿ ವಹೇರ್‌ಕರೊ.

ಖರ್ತಿನ್ ಆಶೀರ್ವಾದ್

24 ದೇವ್ ತಾಖತ್‌ವಾಳೊ ಹುಯಿರಕ್ಷಿವೊ. ತುಮೆ ಲೋಕರ್ ನಾ ಖಾವ್ಣುತಿಮ್ ಮದತ್ ಕರಾವಾಳೊ ಹುಯಿರಕ್ಷಿವೊ. ಯೋ ತುಮಾರಮ ಶನೂ ಕಳಂಕ್‌ಕೊಂತೆ ತಿಮ್‌ಕರೀನ್ ಇನು ಮಹಿಮೆ ಝಗೋಕನ ಲ್ಯಾವಾನಾಬಿ ತುಮುನ ಮಹಾಖ್ವಷಿನ ದೈವಾನಾಬಿ ಶಕತ್‌ವಾಳೊ ಹುಯಿರಕ್ಷಿವೊ.

25 ಅಪ್ಪನ ರಕ್ಷಣೆ ಕರಾವಾಳೊಬಿ ಎಕ್ಕಸ್ ದೇವ್ವ
 ಅಖ್ಬಾ ವಖ್ಖತ್‌ಮಥೂತೆ ತಿಮ್ಮಸ್ ಹಮ್ಮೇಬಿ ಕದೇಬಿ ಅಪ್ಪೊ
 ಪ್ರಭುಹುಯಿರ್ದೊತೆ ಯೇಸು ಕ್ರಿಸ್ತಧಿ ಇನ ಮಹಿಮೆ, ತಾವಿತ್ ಅಙ್ಗು
 ಅದಿಕಾರ್‌ಖ್ವಾರು ರ್ದವಾದೆ. ಆಮೆನ್.

ದೇವ್ಲಿ ಖಾಜಿ ವಚನ್
The New Testament in the Vaagri Booli language of
India: ದೇವ್ಲಿ ಖಾಜಿ ವಚನ್ (Bible)

copyright © 2023 The Word for the World International

Language: (Vaagri Booli)

Contributor: The Word for the World International

ದೇವ್ಲಿ ಖಾಜಿ ವಚನ್
ವಿ ಒಪ್ಪಂದಾನ, 2023

The New Testament in Waghri Vathe Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 9 Jul 2025 from source files dated 9 Jul 2025

c0e4b622-a4d7-5e71-865e-40f2bf35bd06